

HIZKUNTZA INKLUSIBOA

INFORMAZIO OROKORRA

EGUNAK	Martxoak 1 - 31	IKASGELA/ TOKIA	Lineakoa
IRAUPENA	20 ordu	ORDUTEGIA	Irekia
ESKATZEKO AZKEN EGUNA	Otsailak 4	ONIRITZI EPEA	Otsailak 7 - 11
IKASLE KOPURUA	20 gehienez	NORENTZAT	EAEko herri-administrazioetako langileentzat.
IRAKASLEA	June Fernández. Pikara Magazine.		

ZER LORTU NAHI DA

Hizkuntzaren erabilera sexistari buruz ari garenean, genero maskulinoaren erabilera orokortzailea ezbaian jartzeko erronka etorriko zaigu burura. Ondorioz, oso errotuta dago euskaraz arazo hori existitzen ez den ustea. Euskararen kasuan, pertsonak izendatzeko orduan genero marka faltak lasaitasun eta malgutasun handia ematen du, baina gizartean sexismoa errotuta dagoen neurrian, hizkeran ere isla izango du, edozein dela hizkuntza. Ikastaro honetan euskaraz ere zer hausnartu badagoela ikusiko dugu, eta genero ikuspegia ezinbestekoa dela androzentrismoak komunikazioan uzten dituen aztarnak identifikatzeko eta aldatzeko.

HELBURU OROKORRAK

Emakundek 1988. urtean lehen gidaliburua argitaratu zuenetik, hamaika egilek eta erakundek euskararen erabileran sexismoa nola agertzen den identifikatzeko lan handia egin dute. Ikastaro honetan lan horretatik abiatuz, hizkera, diskurtsoa, irudien eragina edota errealitate berriak adierazteko beharraren inguruan hausnartuko dugu. Komunikazio instituzionalean jarriko dugu fokoa, idatzizko zein ahozko hizkeran.

Hizkuntza ez sexista baina hizkuntza inklusiboa kontzeptua erabiliko dugu, sexismoaz aparte hizkuntzan islatzen diren beste diskriminazio ardatzak ere aintzat hartu nahi ditugulako: heterosexismoa, etnozentrismoa, arrazakeria edota kapazitismoa, eta genero binarismoarekin apurtzeko bideak ere aztertuko ditugu.

HELBURU ZEHATZAK

- Euskaraz hizkuntza ez sexistaren alde egindako lanak ezagutzea. Androzentrismoak hizkeran, diskurtsoan eta irudietan uzten dituen arrastoak identifikatzea.
- Gaztelanitik euskarara eta euskaratik gaztelaniara itzulpenak egiterakoan erabilera sexista eta androzentrikoei lotuta agertu ahal diren arazoengatik inguruan lan egitea.
- Euskarazko edukietan, sexismoaz gain, beste diskriminazio ardatzek hizkuntzan uzten dituzten aztarnak ezagutzea, hala nola, heterosexismoak, etnozentrismoak, arrazakeriak edota kapazitismoak.



HIZKUNTZA INKLUSIBOA

- Genero ikuspegia eta begirada interseksionala entrenatzea komunikazio praktika baztertzailerak zein positiboak identifikatzeko.

PROGRAMA ETA EBALUAZIOA

METODOLOGIA

Hiru unitatez eta azterketa batez osatuta dago ikastaroa. Unitate bakoitzean, testu teorikoak, gaien sakontzeko irakurketak, bideoak eta audioak gomendatuko dira.

Unitate bakoitzeko ataza bat proposatuko da, betiere lanean erabiltzen ditugun materialak, zein instituzioetan eta hedabideetan ikusten ditugun edukiak genero ikuspegi interseksionalaren bidetik aztertzeko. Bukaeran azterketa egongo da. Ikastaroan parte hartzeak garrantzi handia izango du, eta horretarako foroa aprobeztatuko dugu. Foroa erabiliko da ikastaroan sortuko diren zalantzak argitzeko, egunerokoan agertuko diren hausnarketak partekatuz, atazen bitartez ikasitakoak konpartitzeko eta elkarri baliabide gehiago gomendatzeko.

Irakasleak zein ikasleek unitate bakoitzeko eztabaidatzeko gai bat proposatuko dute foroan.

PROGRAMA

1. UNITATEA: EUSKARAZ BA AL DAGO ZER HAUSNARTU?

- Euskara eta sexismoari buruzko hausnarketak, erronkak eta ekimenak.
- Androzentrismoaren aztarnak.
- Hizkera eta irudien arteko harremana.

2. UNITATEA: KOMUNIKAZIO EZ SEXISTARAKO GAKOAK

- Generoa noiz esplizitatu?
- Asimetria sexistak hizkeran.
- Topatu ditzakegun beste arazo batzuk (jauzi semantikoa, itxurazko bikoteak, etab.).
- Emakume eta gizonen irudikapen grafikoan asimetriak eta estereotipoak.
- Genero ikuspegia komunikazioan txertatzeko gako gehiago.

3. UNITATEA : SEXISMOAZ HARATAGO. HIZKERA INKLUSIBOA

- Heterosexismoa eta genero binarismoa auzian.
- Aniztasun etnikoa eta funtzionala ikustarazteko gakoak.
- Aniztasuna irudietan.

IKASTAROAREN BALORAZIOA

Ikasleek asebetetze-inkesta beteko dute.
Irakasleak balorazio-inkesta osatuko du.



HIZKUNTZA INKLUSIBOA**EBALUAZIOA**

Ikastaroaren ebaluaziorako unitateetako 3 ariketak eta bukaerako azterketa izango dira kontuan. Kalifikazioak jartzerakoan irakasleak zalantzarik badu, foroen partaidetza kontuan izan dezake.

APROBETXAMENDUA

Hiru unitateetako ariketak egitea eta gutxienez bi gainditzea. Azken azterketa gainditzea.

ZIURTAGIRI DIGITALA

Ziurtagiri digitala eskuragarri izango duzu posta elektronikoan jakinarazpena jasotzen duzunik aurrera. *IVAPeko izapideak / Ziurtatzeak* atalean sartu.

**BAJA
EMATEKO
EPEMUGA**

Ikastaroa hasi aurreko azken laneguna.

137 €

PREZIOA

AGINDUA, 2014ko abenduaren 11koa, Herri Administrazio eta Justiziako sailburuarena, Herri Arduralaritzaren Euskal Erakundeak ematen dituen jarduera eta zerbitzuen prezio publikoen zenbatekoa ezartzen duena.
EHAA, 2014ko abenduaren 30ekoa, 248. zk.